

福建通志

第貳拾叁冊
名勝

福建名勝志卷十一

莆田縣

施蚊臺 八閩通志在延壽里囊山慈壽寺內閩書云一名施蚊原唐僧涅槃隱於囊山寺時於此袒露施蚊故名

靖邊臺 在待賢里桃源羣山環繞五代留從効築遺址猶存見道光舊志

共樂臺 八閩通志在府治後州峯之巔郡城中登眺最勝處也初名共樂亭宋宣和六年郡守廖剛重修更亭曰臺後有軒曰岸幘亦曰後樂臺前有亭曰平遠又曰競秀隆興元年知軍事劉韜命名榜其門曰芳菲台淳熙九年郡守林元仲重修即臺之東偏榜曰供贖閩書一名春臺

木棉樹 在城東南莆田里凝翠湖南樹有百餘章見名勝志

三壽木 在城東北興教里福平山鳳山寺前有太木輪囷蔽虧參漢連牛東西望不相見迺甘棠赤榕槭樸三木合爲一幹者蓋其初鳥食二樹

之實遺矢一樹中若寄生焉然久之合爲一樹矣明林鄴守標名曰三壽野橘 在廣業里碧溪仙人巖其實無時得者瑞之宋慶厯間陳方黃中庸元祐間方亞夫薛蕃以九日遊巖入得一橘並登第後鄭厚鄭樵繼得之厚試魁南省樵以草澤得名已上俱見閩書

鄭露宅 在城西南鳳凰山下陳永定二年捨爲金仙院露梁陳閒名儒官太府卿見八閩通志

湖山書室 八閩通志在城西南南廂鳳凰山雍正舊志云梁陳閒邑人鄭露與弟曰莊曰淑讀書處今廣化寺卽其地也道光舊志云人稱露莊淑爲南湖三先生

陳寶應被擒處 在縣東八十里莆禧鎮陳章昭達擒陳寶應於莆田口卽此元方輿紀要

余鎬宅 在黃石鎬唐校書郎見閩書

萬佛閣 溪聲亭 俱在城西南鳳凰山下靈巖廣化寺內唐景雲間建

見八閩通志

江梅妃村

在東華溝田中有片石妃祖墳也見名勝志

九牧林氏宅

在城外北五里九華山唐時九牧林氏自中州入閩始居

於此見雍正舊志

澄渚書堂

閩書在城東北仁德里澄渚山唐林蘊市地於陳暄以作書

堂初獨孤及作觀察使李椅碑記敘椅興學之美有曼胡之纓化爲青衿

之語蘊與兄藻讀之慨然曰粵不張九齡蜀不陳子昂哉遂自北螺村來

市此以作書堂誓志業文凡十年藻舉貞元七年進士蘊擢貞元四年明

經鄉人以與歐陽詹並稱曰歐陽獨步藻蘊橫行

歐陽詹故宅

在北螺村見乾隆舊志

福平書堂

在北平山唐歐陽詹讀書處見雍正舊志

露巖精廬

閩書在城西南鳳凰山下唐歐陽詹末第時自泉詣莆與林

藻林蘊兄弟同肄業之所道光舊志云在南山廣化寺

牧馬所 在城東南醴泉里侯嶼唐觀察使柳冕牧馬之所見閩書

林攢宅 在城東孝義里見乾隆舊志

妙峯堂 壁立軒 環秀亭 八閩通志已上俱在城西北華嚴寺內乾

隆舊志云環秀亭舊爲郡進士題名之所

北巖精舍 閩書在城東廂雞足峯唐陳嶠許龜圖黃奔修同讀書處雍

正舊志云在城西三里許

放目亭 蘸綠亭 瑞星堂 海月堂 放光堂 虎溪亭 蒼霞亭

雲壽軒 棲真軒 石屏軒 已上俱在延壽里囊山慈壽寺內見八閩

通志

陳嶠讀書處 在城東北興教里福平山鳳山寺嶠唐文德元年進士官

侍御史見閩書

黃璞宅 雍正舊志在城外北二十里黃巷山璞唐大順二年進士官

校書乾隆舊志云璞自三山移居於此

徐寅別墅 八閩通志在城西北常泰里臨溪之西閩書云在延壽溪寅唐乾寧元年進士官祕書省正字

萬卷樓 在延壽溪唐徐寅築徐氏有聯句云壺公山下千鍾粟延壽溪頭萬卷書徐氏後遷壺山下梅隴故云見八閩通志

東峯書堂 八閩通志在城南五里與鄭露書堂相鄰後改爲東峰庵閩書云在城西南廂鳳凰山靈巖寺唐御史黃滔讀書處

吳公隱處 在城北吳塘唐末有吳公者棄官隱此故山水村落皆以吳名元時有人鑿井獲一石中有詩字隱隱可辨旁小書乾寧三年秋吳餘字漫滅不可識見名勝志

郭呂隱居處 在城東北廣業里祺山文筆峯下呂唐末人通經解學士林推重沒著靈異里人社祀之

張實宅 在城東南奉國里蔡山實唐時爲校書郎始遷此其後世居之多有顯人已上俱見閩書

仙掌軒

在城東北廣業里棋山院內見八閩通志

虎亭

在莆城西畫屏街舊傳唐末涅槃騎虎停此故名見名勝志

登瀛閣

八閩通志在城東北望江里巖嶸昭靈廟蘇直爲記乾隆舊志

云高閣下瞰大海唐時建

流盃亭

在城西廣恩院內五代梁開平三年建爲郡人遊賞之所見八

閩通志

陳靖宅

在廣業里故興化縣西東山麓靖宋祕書監贈尙書左僕射見

閩書

譙樓

在興化衛前之東宋太平興國八年知軍事段鵬建紹興六年經

狂卒縱燎知軍事劉登重建層樓置更漏鼓角於其上揭軍額於其下左

爲宣詔亭右爲班春亭後圯明景泰間巡海參政李顯重建見八閩通志

壽寧義齋

閩書在城東北廣業里仙壽峯宋天禧間方詠置四方賢士

如陳秀公升之夏英公竦曾宣靖公公亮皆不遠而至與其子弟肄業齋

中一夕山神獻花齊几花幾枝是歲七人同薦後陳夏曾三公俱至大官
詠以子次彭貴贈朝議郎雍正舊志云在故興化縣虎蹲崗宋方泳與其
弟洞以詩賦擅名築齋於此

儒雅堂 在舊郡治內舊郡治小廳也宋天聖六年知軍李餘慶建鄉貢
進士陳安國爲記後更名儒雅隆興二年郡守劉韞又更名平理乾道五
年郡守何稱復舊名今廢見八閩通志

三瑞堂 八閩通志在舊郡治內宋天聖六年郡守李餘慶創扁曰清心
紹興二十年有五色雀集於大廳榕木之上芝草產於後圃麥秀兩岐郡
守陸渙因更名三瑞今廢雍正舊志云明爲興化衛署又改爲旗纛廟宋
林光朝有記云

靖共亭 在舊郡治小廳之後宋天聖六年郡守李餘慶創名式宴淳熙
元年郡守潘瞻更曰北窗十三年郡守朱端學改今名見八閩通志

蔡襄故居 八閩通志在城南忠惠坊內雍正舊志云襄故仙遊人爲本

路轉運便愛城南佳勝移居於此子孫繁衍遂成村落仍呼蔡宅王龜齡
有過端明學士故居詩

上林義齋 在城東北三十里宋逸士黃問建以處四方英俊間唐黃璞
曾孫見雍正舊志

綠野亭 在舊寧直門外二里許宋殿中侍御史鄭伯玉歸田時所作郡
守俞希孟命以是名今伯玉祠堂卽其址也伯玉有自題詩

龜紋亭 在城西北龜紋嶺上爲遊人憩息之所已上俱見八閩通志
八老堂 在城東連江里小孤巖上宋程氏築尙書鄭紀讚

劉政宅 在涵江上政宋國子祭酒濬水心河爲民溉田已上俱見閩書
徐復宅 在城東二十里復宋布衣慶厯間奉詔修周易天人會元紀仁

宗賜號冲晦處士老於杭之萬松嶺南渡後故宅猶存
手詔亭 在譙門外宣化坊之南已上俱見八閩通志

築陂錢媼投水處 在城南維新里上橫山下香山宋治平初歲旱塘竭

莆人告病長樂有錢媼者築木蘭陂不遂投水而死屍流二里許香聞陂
則之山故曰香山有香山廟祀媼每風雨夕隱隱見二燈自山徂木蘭人
謂媼巡陂云

徐鐸宅 在常泰里延壽溪旁鐸宋狀元崇寧初官吏部尚書未第時有
賢者掬溪水飲之曰此地當出狀元行至白杜家塾聞侍郎方會誦書聲
曰其人矣翌日遇鐸曰此乃是也晚居城東南安樂里梅花山已上俱見
閩書

卧雲軒 在府治北梅峯報恩光孝寺內宋崇寧三年建

桂籍堂 在舊郡治內宋崇寧四年郡守郭重建追考至道以來郡進士
題名刻石置堂上軍學教授胡份爲序宣和七年郡守廖剛立石續紀堂
舊在大廳之東後徙於小廳之北今廢

四賢亭 在城西南永豐塘上俯瞰塘水宋崇寧四年郡守郭重建淳熙
九年郡守林元仲斥亭前隙地之半創艾軒祠紹興二年郡守趙彥勵重

建今廢

嘉木亭

在舊縣治後圃圃有古木樛曲如龍狀宋知縣邱鐸因以名亭

慨然亭

在府治西宋行衙之後

思賢堂

在舊莆田縣前卽今縣學泮池之北也舊有亭臨水曰水亭唐

乾符五年建宋咸平中薛奎作邑令增闢爲堂更名夢草後廢宣和閒知縣呂之材卽其舊址而增築之扁曰思賢蓋以奎入參大政民思之故云

鑑亭

在縣學泮池之南宋宣和閒知縣呂之材建已上俱見八閩通志

觀稼榭

八閩通志宋宣和閒知縣呂之材跨城建乾隆舊志云在舊縣

治薛公池前

岸幘軒

在府治後州峯之巔共樂臺後宋宣和六年郡守廖剛建亦曰

後樂臺

平遠亭

在府治後州峯之巔共樂亭前數百步又曰競秀

潮信亭 在府城東熙寧橋之西宋靖康二年郡守張讀建亭臨白湖風
靜波平壺山倒影於此紹熙二年郡守趙彥勵重建今廢

民信亭 在府城東熙寧橋之東宋靖康二年建今廢已上俱見八閩通
志

梯雲齋 在城東北三十里澄渚宋建炎元年林安中因澄渚草堂故址
改建安中唐林蘊九世孫見雍正舊志

共樂亭 在城中州峯春臺上郡人登眺勝處見閩書

屏山堂 在天台靈鷲庵內宋紹興三年郡守吳偉明建堂之後層林疊
嶂隱然如屏故名曾開記云莆田登覽之處萃於南山而此堂又兼得莆
田南山之勝也堂久廢紹熙二年太守趙彥勵重建

使星亭 在府治北里許宋紹興十一年郡守楊大任建

望海亭 在海峯之上由共樂臺循城西偏數百步而至面勢豁然蒼莽
無際正字方彙爲記

將迎亭 在烏石山之南旁有一山亭居其下故以北亭名之已上俱見八閩通志

鄭氏書堂 在城南維新里木蘭溪旁宋國子監簿鄭耕老讀書處耕老紹興十五年進士

林光朝故宅 在城東南興福里五侯山下長城光朝宋隆興元年進士官工部侍郎諡文節已上俱見雍正舊志

林光朝讀書處 在湄洲嶼見閩書

東林書院 在城東二十里宋林光朝講學處有拜經堂今地名紅泉者是見雍正舊志

松隱精舍 八閩通志在縣東南景德里城山上宋林光朝講學處閩書云宋林國年延光朝講學於此朱文公嘗過之光朝卒學者祠焉名水南書院道光舊志云俗呼青山巖宋劉克莊有記云

蒲弄草堂 在縣東南醴泉里金山之麓宋林光朝講學處光朝圖經序

云予嘗走金谿得蒲弄一席地卽此東望海上諸山出沒見聞書

修史堂 宋鄭厚與弟樵肄業其中 通遊關 宴寂閣 已上俱在廣

業里鄉林院內俱見八閩通志 鄭樵宅 在廣業里霞溪見雍正舊志

溪東草堂 在廣業里宋推官鄭厚讀書處見乾隆舊志 夾漈草堂

閩書在廣業里故興化縣西東山宋鄭樵著書處雍正舊志云距城

東北三十五里宋鄭夾漈讀書處每風雨夕居民往往聞讀書聲清陳夢

雷有序云

清寧亭 在城東北延壽里涵江清寧橋宋紹興二十三年建

望壺樓 在舊郡治內扶春館之東宋紹興二十八年郡守韓彬建以壺

山名

瑞泉閣 在城南靈巖瑞泉庵已上俱見八閩通志

一經書堂 在城中東廂宋紹興間方進士萬與友講經處朱熹扁曰一

經見雍正舊志

陳俊卿宅 在東門外街俊卿宋觀文殿大學士謚正獻見乾隆舊志

壺山堂 在舊郡治圃內初名望山亭宋紹興二十年郡守陸渙更名五

色亭林光朝爲記乾道元年郡守張允韜又更名壺山堂堂之後有臺曰

流觴其東又有臺曰見道蓋允韜所創也淳熙初郡守潘疇更名鯨風今

廢

流化堂 在舊郡治內通判廳之東宋通判莊革名今廢

強爲善齋 在舊通判廳之左偏通判周必達名

無疆堂 在舊郡學西教授廳之右舊名無隱齋宋乾道間教授陸琰更

今名堂之東又有冷軒

扶春館 在舊郡治堂後舊以醑醑名翠香亭宋乾道元年郡守張允韜

更今名後敝一軒北向曰山人方丈

志喜堂 在舊郡治內通判廳之右通判周必達以喜用名其西南隅有

望壺臺今廢已上俱見八閩通志

翁點讀書處 在靈巖廣化寺點宋乾道二年進士爲諸生時讀書此寺
夜醉擊鐘忽一人出訶詰之其人狀貌詭異點亦轉詰其人其人曰能屬
對吾語汝迺云折破磊文三石獨點應曰分開出字兩山單其人頷之曰
正郎言訖不見後點官至正郎矣石獨山單皆花名也

陳琨宅 在城西南靈川里浮山下琨宋陳州長史里人呼曰東陳

王諮王諮兄弟讀書處 在城東北興教里福平山鳳山寺當諮諮兄弟
讀書是間時有青衣童指階前桂云試同梅福尋真隱聊爲東坡訪舊居
後諮諮並擢第諮尉古田諮令歸善蓋古田山梅福嘗隱之而惠州東坡
謫居在焉歸善惠屬也其言皆驗云已上俱見閩書

正巳齋 在舊郡治內儒雅堂之西廡舊名學古郡守潘疇更今名自隸
額

和簡堂 在舊郡治內宋紹熙元年郡守趙彥勵建今廢

思無邪齋 在和簡堂後

福建名勝志莆田

眠雲閣 在廣業里蔡溪旁已上俱見八閩通志

清心亭 在宋舊軍治內郡守曹修古建廳壁刻徐師閔荔支譜

劉克莊宅 在延壽里已上俱見乾隆舊志

梅墅 在九華山宋方茂卿別業有亭曰真寄曰行休曰納春又扁曰仙曜夢境

三峯亭 宋邑人陳文瑞所居面挹九華左顧梅峯右盼烏石得三峯之勝因以名亭已上俱見道光舊志

仰止堂 在白湖南面對壺山故名宋陳少師俊卿嘗館朱熹於此子弟皆受業焉俊卿子宓以仰止名堂邑人黃績復與同志從宓受業見雍正舊志宋黃幹有記云

蔚山堂 在廣業里蔣山麓宋方氏築見閩書

德堂 在郡學禮殿東北宋淳祐中郡守楊棟建以處劉彌邵彌邵卒黃績繼之見八閩通志